



Faltalaridafa perca

Faltalaridafa perca (*Luscinia svecica*). Gubefa perca me tir antafi zveri mielon dankasi ! Koe taiga aala valente Europa is Sibira, percaye mielon is afroon kali tena ke teveksat cwur. Inaf dank katolapan nope gedruca, was jonitka milaskira va anyona prokla dum ciesta is drozba doburer. Ostik lane percaye va blakerafa tcala iste listafa faltafa kretsa ke ast did. Zveri blisi koe Skanda is Sibira kale roneon Bering vedil is geeon 60° wak tid antafi disu is bata uka. Faltalaridafa perca begamusa koe arak ke Europa va batakafa tcala did ; tela ke zveri ke istefa Asia tir flemafa.

Lotrelafa lamara gan zveri logeeon blisi zo sopud, solve teli lentefi ilon koyad. Kle faltalaridafa perca dem blakerafa tcala va kotafa Europa is Asia remtalad aze kene Niger bost ok valentrone Afrika ok koe Misra ok Ityopia fentugalud ; asiafi zveri vageron Sinia isu Asia is van Assam gola koe Barata talad.

Mone lentef lakiwak vas 60° koe Yakutia, bata zverinda va dzopokatum is gorkatum moe domega ke voa vox lorion tcastafo klupaxo ok cirdatexo nobar viele titi teveksat arttalar. Koe azeakafa ruga isu meftavafa dere zo dizveyer.

Antafa mielon ! Kadimi dimtalara, percaye tice aal toz dankar. Kotviele percaye pokotalar, pune ine ongir aze kal yone metre ficalar aze wilsotceson ton kevlubesiki tittalar. Ede ina doon zavzagir, pune moe sid va int wan kabdunedir. Banvielu bati toloyi zveri kali maltalara ta lamara bak anyusteaksat belcon di zavzagir. Faltalaridafa perca mielon is anton gikoyar ! Ise me kivar da roze rotintaf vas loon 2000 metre is dace redegata rentalar. Moe soxtaxo, va doma ke kelor nobar kire va abdxo albar. Wori koe taya is ar omaf lorodaf siday dere zo rowir. Omava ke inafa malesturinda tir kum beza lopekuna gu leskomo is tulwadunol is voja, nume va yona tandeafa abrotcafa talara dizver. Tire ina fentugalon koe naelafa lenteka vol co lapter.

Abrotce : 13 - 14 cm.-

Aldo : 14 - 22 g.-

Wiltade : 22 cm.-



Bata faltalaridafa perca ongir enide va valpokindapa blisa koe abdaf werda di aralomeon, i va valpokinda disa va toka vibra va werizze. Vangiyton, po ceem srinkan gu beza vanbuurer. Idulupalon koe zvertjafa Samia vas 65° ke lentef lakiwak, awalt ke miamil nover da ina wan tir gapevon bejisa. Remi anton balemyo ik akuboy bartiv abdi vanafz va int tikler.

Ticeon, toloye percaye ton muvuqalaf is fentugal bruxeeem tazukaweyes bak pereksat ik anyusteaksat. Ticeon toloye are ton muvuqalaf bruxeeem. Oc tid beretraf dem blafitmalata umica. Percaye tid dem batakafa barida vavale ebeltafa conyeta is ebeltaf azaf nok vox wige falte.

Kare lakiwak faltalaridafa perca bak alubeksat ik teveksat ik dile pereksat (ronefa Sibira) sokatoar. Percaye va bejama kum rodaf werd loleon aotcon gu tji is aze is ajapa toz tojadar. Koak tir kum gertapaf werd. Balemyo ik tevyoyo ato remi 13 ik 14 waf zo woad.



Faltalaridafa perca blakerafa (roneon) isu batakafa (talbeon). Sina tid percaye ton yeruam bruxeeem adaf gu bejamaf cadim. Muvuqalor, divitce ke faltafa kretsa blaumar ten uka tozapaower. Ault kotrodimon tir blakeraf is beretraf.

